



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 44. Henrici IV. obitus.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

sunt utrinque ad examen vocentur, tam patri quam filio, quod iustitia postulat, exhibeatur, & tandem exclusa omni mora lites & iurgia, quæ Ecclesiam & Rempublicam concutiunt, sopiantur. Legatos, qui istud decretum detulerunt, postquam a conspectu Imperatoris redierunt, ab ejus Aulicis male habiti sunt, quod cum ipsis communicare nollent, & excommunicatis accenserent. Responsum vero ab Henrico patre retulerunt; Principes exercitum dimitterent, & locum Comitiorum statuerent.

§. XLIV.

Henrici IV. obitus.

Henricus filius urbis Coloniensis obsidionem solvere coactus, de suis misit ad Patrem, qui cum ad colloquium intra dies octo Aquisgranum invitarent. Hac de re conquestus est Pater data epistola, quæ fuit ultima, ad Episcopos & Principes Regni directâ; dicebat enim, ampliores quam octo dierum inducias etiam infimæ conditionis homini concedi solere. Tandem tertio ad Paschalem Papam & Ecclesiam Romanam appellabat. Verum haud diu post civili bello finem imposuit mors Henrici, die Martis, septima Augusti, anno millesimo centesimo sexto, fatis functi. Necdum annum vitæ quinquagesimum quintum expleve-

Sæcul. XII.
A.C. 1106.

Sæcul. XII. pleverat, undecima Novembris anno
 A.C. 1106. millesimo quinquagesimo primo natus,
 & nihilominus sæpe Henricus Senior di-
 ctus, nempe ut a filio distinguatur. Re-
 gnaverat vero annos quinquaginta, an-
 nosque novendecim imperavit ejus fi-
 lius, quem cum, extincto Patre, omnes
 Ordines Regem Germaniæ salutarent,
 vel Schisma cessavit, vel certe Schisma
 obtendendi qualiscunque causa sublata
 est. Episcopus Leodiensis cum aliis ad
 Communionem receptus est. Quia ve-
 ro Imperator apud eum mortuus erat, &
 ipse funus in sua Ecclesia sepeliverat, il-
 lud tanquam hominis excommunicati
 corpus effodere, atque in loco non Sacro
 deponere jussus est, unde illud Rex Spi-
 ram transferri concessit, ubi annos quin-
 que in loculo lapideo extra Ecclesiam
 servatum. (*)

§. XLV.

(*) Magnifice deinde & Ritu Ecclesiastico
 fuisse sepultum infra Lib. LXVI. §. V. dicemus.

De hoc Imperatore Natalis Alexander ex Abbate
 Urspergeni: *Qui nec naturalibus, nec consuetudi-
 nariis contentus sceleribus nova & a Sæculis in-
 audita, ideoque non nulla incredibilia exercuisse
 infamabatur. Ceterum neminem suis tempori-
 bus natu, ingenio, fortitudine, audacia, statura
 etiam, totaque elegantia corporis fuisse fascibus
 Imperialibus aptiorem &c. Tum ex tom. I. Rer.
 Germ.*